



Broj: 10-05-19752-4 /11
Sarajevo, 18.7.2011.

Na osnovu člana 70. stav 1. i 2. Zakona o organizaciji organa uprave u Federaciji BiH („Službene novine FBiH“, broj 35/05), člana 4. stav 2. i člana 22. stav 2. Zakona o izvršavanju Budžeta Kantona Sarajevo za 2011. godinu („Službene novine Kantona Sarajevo“ 08/11) i Odluke o opštim kriterijima za raspodjelu sredstava za rad neprofitnih organizacija i udruženja koje se finansiraju iz Budžeta Kantona Sarajevo („Službene novine Kantona Sarajevo“, broj: 02/05), Ministar zdravstva Kantona Sarajevo, donosi

O D L U K U

o raspodjeli sredstava za finansiranje – sufinansiranje neprofitnih organizacija i udruženja iz oblasti zdravstva sa područja Kantona Sarajevo iz sredstava Budžeta Kantona Sarajevo za 2011. godinu – pozicija Ministarstva zdravstva Kantona Sarajevo

I

Ovom Odlukom utvrđuje se raspodjela sredstava za finansiranje - sufinansiranje neprofitnih organizacija i udruženja iz oblasti zdravstva, iz Budžeta Kantona Sarajevo za 2011 godinu - pozicija Ministarstva zdravstva u iznosu od 35.000 KM - ekonomski kod 614300 –KAN 066-tekući transferi neprofitnim organizacijama i to na način kako slijedi:

Red. br.	Naziv udruženja	Iznos
1.	Udruženje majki djece sa posebnim potrebama „Radost Života“	11.000
2.	Udruženje dijabetičara Kantona Sarajevo	9.300
3.	Udruženje dobrovoljnih davaoca krvi Kantona Sarajevo	5.200
4.	Udruženje za podršku resocijalizaciji ovisnih i izliječenih od droga PROI	5.900
5.	Udruženje dijabetičara djece i omladine u Kantonu Sarajevo	3.600
		35.000

II

Odluka stupa na snagu danom donošenja.

O b r a z l o ž e n j e

Po osnovu objavljenog Javnog poziva za finansiranje – sufinansiranje rada neprofitnih organizacija i udruženja iz oblasti zdravstva sa područja Kantona Sarajevo iz Budžeta Kantona Sarajevo za 2011 godinu - pozicija Ministarstva zdravstva Kantona Sarajevo, koji je objavljen dana 20.06.2011. godine u dnevnim glasilima „Dnevni avaz“ i „Oslobođenje“, Komisija za ocjenu i rangiranje pristiglih prijava za finansiranje / sufinansiranje rada neprofitnih organizacija i udruženja iz oblasti zdravstva sa područja Kantona Sarajevo, imenovana Rješenjem Ministra zdravstva broj: 10-05-19752.3/11 od 17.06.2011.godine, je pristupila otvaranju i pregledanju svih pristiglih prijava pojedinačno.

Nakon provedene kompletne procedure Komisija je predložila Ministru zdravstva Kantona Sarajevo, da se naprijed navedenim neprofitnim organizacijama i udruženjima izvrši raspodjela sredstava, a u skladu sa Odlukom o opštim kriterijima za raspodjelu sredstava za rad neprofitnih organizacija i udruženja koje se finansiraju iz Budžeta Kantona Sarajevo za 2011. godinu („Službene novine Kantona Sarajevo“, broj: 02/05).

Shodno naprijed navedenom odlučeno je kao u dispozitivu, ove odluke.

MINISTAR

Prim. dr. Zlatko Vuković



web: <http://mz.ks.gov.ba>
e-mail: mz@mz.ks.gov.ba
Tel: + 387 (0) 33 562-104, Fax: + 387 (0) 33 562-243
Sarajevo, Reisa Džemaludina Čauševića 1

